



**Uunga siunnersuut: Nunami inuussutissarsiutinut tunngatillugu inuussutissarsiormik siuarsaaneq pillugu Inatsisartut inatsisaata allanngortinneqarnera pillugu Inatsisartut inatsisissaat (Annikitsunik taarsigassarsitsitsisarnermik aqqissuussinermi atorunnaarsitsinissamik ulluliinerup atorunnaarsinneqarnera, qinnuteqartunut piunasaqaatinik sakkukinnerulersitsineq, pisortanut annertuunik akiitsulinnut tapiissuteqartarnerup killilerneqarnerata atorunnaarsinneqarnera aamma allatigut oqaasertalersuinerni allannguutit annikitsut)**

(Inuussutissarsiormerut, Niuernerut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)  
(Siullermeerneqarnera)

Qujanaq Naalakkersuisut siunnersuummut.

Demokraatit nuannaarutigaa annikitsunik taarsigassarsitsitsisarnermik aqqissuussaq ilutsillaarsimamat. Pingaarnertut uagutsinnut pingaartuuvoq, aallarnisaasunut inunnullu pitsaasunik isumassarsiaqartunut, maani nunatsinni ineriartormik pilersitsillutillu siumukarnissamat suliniutinut peqataasunut, pissutsit ajunngitsuunissaat. Tassani annikitsunik taarsigassarsitsitsisarnermik aqqissuussaq ilorraap tungaanut kaamisaaqataasimavoq.

Tamanna tunngavigalugu isumaqatigaarput, annikitsunik taarsigassarsitsitsisarneq ataavartunngortinneqassasoq, soorlu uani siunnersuutigineqartut.

Demokraatit paasivaat, annikitsunik taarsigassarsitsitsinerit affai sinnerlugit takornariaqarnermi aallarnisaasunut taarsigassarsiissutigineqarsimasut. Tamanna assut iluarisimaarnarpoq, tassami takornariaqarneq ilisimaneqartut inuussutissarsiutit ilagimmassuk, suliffeqarfinnik pitsaasunik akilersinnaasunillu pilersitsinissamat periarfissallit maanga nunatsinnut takornarissat amerlinissaannik naatsorsuuteqarneq tunngavigalugu.

Taamatuttaarlu iluarisimaarnarpoq paasillugu, aallarnisaasut, annikitsunik taarsigassarsisimasut akisussaassuseqartuusimasut taarsigassarsiaminnut akilersuinissamat isumaqatigiissutit malillugit akiliisarsimallutik.

Naggataatigut isumaqarpugut, maannangaaq eqqarsaatigineqartariaqartoq Aningaasanut Inatsimmi annikitsunik taarsigassarsitsitsisarnermut tamakkiisumik taarsigassarsinissamat sinaakkutip qaffanneqarnissaa. Maannakkorpiaq 500.000 koruunit immikkoortinneqarsimapput. Demokraatit kissaatigaat, aningaasat taakku marloriaatinngortinneqassasut aallarnisaasunut eqeersimaartunut suli periarfissat pitsaanerulersinnissaat anguniarlugu.

Siunnersuut taamatut oqaaseqaaserlugu Aningaasaqarnermut- aamma Akileraartarnermut



**DEMOKRAATIT**  
DEMOKRATERNE

ataatsimiititaliami suliareqqitassatut innersuussutigineqarpoq.